



ZAPISNIK O RADU 52. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 30.01.2024. GODINE

Broj: 01-GV-02-160/24
Sarajevo, 30.01.2024. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Adi Škaljić, predsjedavajući Kluba gradskih vijećnika Naše stranke
5. Vedad Deljković, predsjedavajući Kluba gradskih vijećnika „Deljković-Simonović-Čengić“
6. Samir Bejić, predsjedavajući Kluba gradskih vijećnika „Danijela Šahat - Samir Bejić“
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srdić“
9. Enisa Spahić, predsjedavajuća Kluba gradskih vijećnica „Enisa Spahić-Amra Zulfikarpašić“
10. Bajro Biber, predsjedavajući Kluba gradskih vijećnika „USD-BOSS“
11. Seid Škaljić, predsjedavajući Kluba gradskih vijećnika „Seid Škaljić - Željko Majstorović“
12. Elvedin Korora, zamjenik predsjedavajućeg Kluba gradskih vijećnika „Korora/Skorupan“

Odsutna: Mila Eminović, sekretar Gradskog vijeća

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.08 sati, pozdravio prisutne, te konstatovao kvorum za punovažan rad i odlučivanje

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa deset glasova „za“ i dva „suzdržana“ glasa, **je usvojio** Zapisnik o radu 51. sjednice Kolegija Gradskog vijeća, održane 03.01.2024. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 52. sjednice Kolegija Gradskog vijeća, tako da glasi:

1. Priprema za održavanje 36. sjednice Gradskog vijeća Grada Sarajeva
2. Tekuća pitanja



Ad 1)

Priprema za održavanje 36. sjednice Gradskog vijeća Grada Sarajeva

a) Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** sljedeći zaključak:

- 36. sjednica Gradskog vijeća će se održati u **srijedu 21.02.2024. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem u **četvrtak 01.02.2024. godine**;
- Sjednice radnih tijela, u pripremi 36. sjednice Gradskog vijeća, održat će se u sedmici koja počinje sa **ponedjeljkom 05.02.2024. godine**;
- Pozivi gradskim vijećnicima za 36. sjednicu Gradskog vijeća će se uputiti u **srijedu 14.02.2024. godine**.

b) Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće.

Prijedlog Plana rada Grada Sarajeva za 2024. godinu (skraćeni postupak), prema informaciji Gradonačelnice, **je spreman** i očekuje se da će biti uvršten u prijedlog dnevnog reda 36. sjednice Gradskog vijeća.

Program rada Pravobranilaštva Grada Sarajeva (informativni materijal), prema informacijama iz Pravobranilaštva Grada Sarajevo, **je spreman** i očekuje se da će biti dostupan u materijalu za 36. sjednicu Gradskog vijeća.

Nacrt Odluke o izmjenama i dopunama Odluke o upotrebi grba, imena i isticanju zastave Grada Sarajeva, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 36. sjednice Gradskog vijeća.

Informacija o prazničnom ukrašavanju u organizaciji Grada, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 36. sjednice Gradskog vijeća.

Informacija o upravljanju, tekućem i investicionom održavanju JP „Olimpijski bazen Otoka“ d.o.o. Sarajevo, čiji je predlagač Skupština JP „Olimpijski bazen Otoka“ d.o.o. Sarajevo, prema raspoloživim informacijama, **je spremna** i očekuje se da će biti uvrštena u prijedlog dnevnog reda 36. sjednice Gradskog vijeća.

Informacija o radu Odbora za organizaciju obilježavanja 40. godišnjice zimskih olimpijskih igara održanih 1984. u Sarajevu, čiji je predlagač Organizacioni odbor 40 ZOI 84 Sarajevo, **je spremna** i očekuje se da će biti uvrštena u prijedlog dnevnog reda 36. sjednice Gradskog vijeća.

Odluke o dodjeli priznanja i nagrada Grada Sarajeva u 2024. godini bit će predložene na 36. sjednicu Gradskog vijeća ukoliko prijedlozi za dodjelu priznanja i nagrada budu podneseni, te ukoliko Komisija za izbor i imenovanja utvrdi prijedloge i uputi ih Gradskom vijeću na razmatranje na 36. sjednicu, a sve u skladu sa Odlukom o priznanjima i nagradi Grada Sarajeva.

Izvještaj o aktivnostima Grada Sarajeva u oblasti međunarodne saradnje, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 36. sjednice Gradskog vijeća.

Informacija o kandidaturi Grada Sarajeva za „Evropsku prijestolnicu mladih 2026“ sa rokom „kad se steknu uslovi“, prema informaciji Gradonačelnice, **neće biti pripremljena** za 36. sjednicu Gradskog vijeća.

U povodu teme programirane za razamtranje u februaru mjesecu: Nacrt Odluke o stipendiranju izvrsnosti kod učenika srednjih škola iz Budžeta Grada Sarajeva, Mirjana Đanović Stanić, rukovodilac Stručne službe za poslove Gradskog vijeća je podsjetila članove Kolegija da je, na 35. sjednici Gradskog vijeća održanoj dana 24.01.2023. godine, donesena Odluka za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu. Također, podsjetila je da je zamjenica predsjedavajućeg Gradskog vijeća Mirela Džehverović na 35. sjednici Gradskog vijeća uputila inicijativu da se revidira tada usvojena Odluka za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu, ili da se donese nova odluka tako da dobije karakter trajnog gradskog propisa.

c) Teme planirane Programom rada Gradskog vijeća Grada Sarajeva za januar 2024. godinu, koje nisu realizovane

Informacija o realizaciji projekta „Modela poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje) za 2023. godinu, prema informaciji Gradonačelnice, **nije spremna** i neće biti uvrštena u prijedlog dnevnog reda 36. sjednice Gradskog vijeća.

Prijedlog Odluke o izmjeni i dopuni Odluke o načinu sticanja statusa udruženja i fondacija od posebnog značaja za Grad Sarajevo, prema informaciji Gradonačelnice, **nije spremna** i neće biti uvrštena u prijedlog dnevnog reda 36. sjednice Gradskog vijeća.

Aida Bajramović, sekretarka organa uprave je obrazložila zašto navedene teme nije bilo moguće pripremiti za 36. sjednicu Gradskog vijeća.

e) Novi prijedlozi:

Aida Bajramović, sekretarka organa uprave je upoznala članove Kolegija da će Gradonačelnica za 36. sjednicu Gradskog vijeća predložiti i sljedeće materijale:

1. Prijedlog Odluke o izmjeni i dopuni Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo
2. Prijedlog Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo
3. Prijedlog Odluke o uslovima i postupku prihvatanja pokroviteljstva Grada Sarajeva

U raspravi koja se odnosila na predlaganja akata po hitnom postupku učestvovali su članovi Kolegija **Adi Škaljić, Mirela Džehverović, zamjenica predsjedavajućeg Gradskog vijeća, Vedran Dodik i Jasmin Ademović, predsjedavajući Gradskog vijeća.**

Ad 2)
Tekuća pitanja

Na pitanje člana Kolegija **Bajre Bibera** o načinu podnošenja prijedloga za priznanje „Zahvalnica Grada Sarajeva“, **Jasmin Ademović, predsjedavajući Gradskog vijeća** je upoznao članove Kolegija da se prijedlozi za priznanje „Zahvalnica Grada Sarajeva“ mogu dostaviti predsjedavajućem Gradskog vijeća radi upućivanja na sjednicu Kolegija Gradskog vijeća.

Kolegij Gradskog vijeća će, na narednoj sjednici, razmatrati podnesene prijedloge, te će iste, kao inicijative za dodjelu priznanja „Zahvalnica Grada Sarajeva“, uputiti Gradonačelnici.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.20 sati.

SEKRETAR GRADSKOG VIJEĆA

Mila Eminović

PREDSJEDAVALAJUĆI GRADSKOG VIJEĆA

Jasmin Ademović, s.r.